

10 OCT 1997

LAGI SOKONGAN MORAL UNTUK DR MAHATHIR

KOTA KINABALU, 10 Okt (Bernama) -- Parti Bersatu Rakyat Sabah (PBRs), sebuah komponen Barisan Nasional (BN) Negeri menyatakan sokongan padu terhadap kepimpinan Perdana Menteri Datuk Seri Dr Mahathir Mohamad dalam menangani isu semasa negara.

Presiden PBRs, Datuk Joseph Kurup dalam satu kenyataan di sini hari ini berkata partinya memberi sokongan tidak berbelah-bagi terhadap kepimpinan Dr Mahathir dan timbalannya Datuk Seri Anwar Ibrahim.

"PBRs berendapat isu yang dihadapi pucuk pimpinan negara sekarang adalah berpunca daripada muslihat pihak-pihak tertentu di luar negeri dan memandangkan isu ini adalah isu nasional maka ia perlu ditangani bersama oleh semua pihak," katanya.

Kenyataan parti itu, yang ditandatangani oleh Kurup dan Setiausaha Agung parti Datuk James Viales yang juga Timbalan Speaker Dewan Undangan Negeri, turut mengutuk campur tangan asing dalam hal-ehwal negara.

Kurup berkata, dunia sebaliknya perlu mencontohi kejayaan Dr Mahathir memimpin Malaysia dengan menyatupadukan rakyatnya yang terdiri daripada berbilang kaum. -- BERNAMA

KG NMO